

Q. F. F. F. Q. S.

QUÆSTIONES DUODECIM

AB ILLUSSTRISSIMIS VIRIS

R. D. JOANNE-FRANCISCO IMBERT
 Universitatis Cancellario amplissimo & Judice,
 HENRICO HAGUENOT Decano admodum Vene-
 rando, ANTONIO FIZES, FRANCISCO
 DE SAUVAGES, FRANCISCO DE LAMURE,
 GABRIELE - FRANCISCO VENEL, CAROLO
 LE ROY Regis Consiliariis & Medicis, Professoribus
 Regiis meritissimis

P R O P O S I T Æ


In Aulâ Episcopali Monspeliensi coram Illustrissimo ac
 Reverendissimo D. D. FRANCISCO-REGINALDO
 DE VILLENEUFVE Monspeliensium Episcopo,
 Comite Melgorii & Montisferrandi, Marchione Mar-
 querosæ, Barone Salvii &c. & Regi à Consiliis Secre-
 toribus

Pro Regiâ Cathedrâ vacante

Per promotionem R. D. JOANNIS-FRANCISCI IMBERT Professoris Regii
 clarissimi ad Cancellariatum dictæ Universitatis

*Quas Deo favente, & auspice Dei-parâ, propugnabit in Almâ Monspeliensi
 Medicinæ Universitate triduo integro manè & serò, diebus scilicet 24^o.
 25^o. & 26^o. mensis Julii anni 1760*

PETRUS-STEPHANUS CRASSOUS D. M. Monspeliensis.



MONSPELII,
 Apud AUGUSTINUM-FRANCISCUM ROCHARD, Regis & Universitatis Medicinæ
 Typographum unicum 1760.

PETRUS - STEPHANUS CRASSOUS

VIRO OPTIMO **** AMICO SUO

S.

Plerique in votivis Tabulis nomen , genus , honores , opes , patrocinium denique ita ambiunt , ut non tam Mæcenati cuidam quam sibi opus vovere videantur. At ego cum hoc-ce opus tibi vovi , amicitia ipsi vovi. Te amicum fidelem hucusque expertus sum : & quasnam laudes hæc laus non complectitur ? nosti tu , nōrunt omnes (iique in istâ sæculorum fœce paucissimi) qui jura amicitia , quid valeant , quantum valeant , sentiunt.

Nec eo solum nomine hæc Theses tibi nuncupanda. Tu primos in Arte Medica gressus direxisti : studia nempè suaseras ; & , ô ! si magis obsequiosum habuisses Discipulum ! opus istud pro temporis angustia minus concinnum , attamen & me & te magis dignum videri potuisset. Tu in innumeris quæ nos , fluxi ævi homunciones , undique circumvallant miseriis , agroto animo solamen attulisti , in te ægritudinis dimidiam partem transferens. Tu me.....sed quid ego imprudens ? amicitia bona tenebrarum magis Amica sunt , quam ut in lucem proferantur. O amicitia ! divorum munus egregium , in me tota rue ; animum , pectus , me totum occupa. O Amice ! in tuū sinu (si umquam fata sinant meliora) olim gratissime conquiescent omnes cogitationes meæ. Vale , & me tantum ama , quantum à me amaris.

DABAM Monspeli die 8a. mensis Julii anni 1760.

LIBRARY OF THE UNIVERSITY OF CHICAGO

PETRUS-STEPHANUS CRASSUS
VIRI OPTIMO *** AMICO SUO

2.

Petrus in coram Tiberio nomine, genus, honoris, opus,
patrocinium deinde in amicum, ut non tam alienum
cuiusdam patris sui opus videretur. At ego cum hoc
opus tibi rogi, amicitia ipsi rogi. Te amicum habere hoc
opus expectat. Nam: & quodam laude hoc non com-
placuit. Ipsi in, namque omnes (ipse in ipsi laudibus
ipse patris sui) qui sunt amicitia, quid valent, quantum
valent, sentiant.

Nec eo solum nomine de Tiberio tibi nuncupanda. Tu pri-
mo in hunc morem gratias duxisti: Indis nuncius fuit
O. I. I. Magni imperatoris habuisse Dilectum, opus fuit
pro tempore in hunc morem nuncupandum, amicum O. I. I.
magis dignum videtur putaret. Tu in hunc morem
non hunc morem, nuncius circumstantiis nuncius, agito
nuncius solummodo nuncius, in te agnoscis, dimittis patrem
transfert. Tu nec... sed quid ego imperator? amicitia
non tenet, non tenet, nuncius, nuncius in hunc pro-
prium. O nuncius? nuncius nuncius, in hunc pro-
prium, nuncius, nuncius, nuncius nuncius. O Amice! in hunc
pro- (I nuncius) nuncius nuncius, nuncius nuncius con-
puecent omnes nuncius nuncius. Vale. O nuncius nuncius
quantum in te nuncius.



QUÆSTIO PRIMA:

Cujusnam explicatu difficilior sit , an deglutitionis , an respirationis mechanismus ; & juxta quas leges utraque exercetur functio ?

1.



DEGLUTITIO est ea functio cujus ope tum esculenta , tum potulenta ex ore ad usque ventriculum deducuntur. Ea vero functio , qua aër alternis vicibus pulmones ingreditur , & ex iis eliminatur , respiratio audit : circa quam duo præprimis distinguntur tempora ; alterum inspirationis quo fit aëris introitus , expirationis alterum quo ipsius exitus contingit.

2. Mechanismus est modus agendi organorum seu machinarum quibus potentia motrix applicatur. (Ill. Sauv. Physiol.) Ergo mechanismus deglutitionis & respirationis est modus agendi organorum seu machinarum variarum quibus potentia motrix sub binæ hujusce functionis exercitio , applicatur. Porro circa deglutitionis & respirationis mechanisum quæritur primum uter sit explicatu difficilior ; quod quæsitum sic sequentibus solvimus.

3. Difficultas in explicando functionis datæ mechanismo , seu difficultas exponendi agendi modi organorum vel machinarum variarum , sub potentia motricis actuatione , datam functionem perficientium , eo minor est , quo perfectius , adæquatius , certius cognitus est eorumdem agendi modus. Ergo in data functione quo plura erunt ignota , minus bene cognita , dubia circa agendi modum instrumentorum quibus ea peragitur , eo explicatu difficilior erit functio hæc , alterâ. His præmissis evolvamus agendi modum eorum omnium quorum actioni debentur deglutitio & respiratio.

4. Deglutitio fit motu linguæ bolo alimentari onustæ , expansæ , & fornici palati applicatæ retractorio , successive postica versus bolum urgente ; ampliatiōe sacci pharyngæi ad anteriora & superiora tracti

per musculos quibus os hyoïdes & larynx sursum & antice ducuntur ; contractione muscutorum laryngem retrorsum & inferne trahentium , nec non contractione fibrarum muscularium pharyngis parietibus circumpositarum ; quibus bolus acceptus translaxatum constrictorem oesophagi adigitur ; contractione ejusdem musculi suam ipsius relaxationem excipiente ; tandem actione fibrarum oesophagaearum , tum circularium , tum longitudinalium successivâ , qua bolus ad ventriculum usque depellitur.

Interim dum hæc fiunt , impedit deglutiendorum per nares regressum velum palatinum sursum determinatum , deorsum tractum , expansum , atque ea pharyngæum saccum versus urgens ; eorundem vero in glottidem illapsum epiglottis depressa , laryngi summo , operculi exquisite conniventis instar , aptata , nec non arytenoidaeorum contractio , ex *Boerhaavii* mente.

5. Declaratus variorum deglutitionis instrumentorum agendi modus multiplici argumentorum genere ita astruitur , ut de assignato mechanismo nullus sanior ambigat : hunc autem evincunt tactus , visus , digitus immissus , anatome , imitatio quorundam motuum deglutiendorum in cadavere facta , morbi partium recensitarum.

6. Respiratio inspiratione & expiratione absolvitur. Inspiratio fit ampliato thorace per costarum elevationem , sterni dimotionem à columna vertebrali , contractionem diaphragmatis versus abdomen complanati , aëre tracheam tunc subeunte , & cellulas pulmonales expandente. Expiratio fit arctato thorace per costarum depressionem , sterni ad columnam vertebralem accessionem , diaphragmatis retrogressum , aëre ex ductibus pneumonicis arctatis tunc temporis expulso. Verum per quas potentias & quonam modo fiant præfatæ thoracis ampliatio & arctatio , plurimum ac varie controvertitur. Sunt qui independenter ab omni prævia corporis mutatione , aëris ingressum ex aëris interni rarefcentia & suborta exinde resistentia minori perperam deduxêre ; nullas insuper quibus loca intercostalia ampliari possint musculares potentias agnoscentes.

Præviam in corpore mutationem , quam in parietum thoracis extrorsum facta motione sitam esse volunt , admittunt reliqui omnes Physiologi : ast de vi qua aër pulmones ingreditur acriter litigant ; alii pressum à thorace ampliato & ab abdomine elevato his circumfusum aëra compelli male perhibent in tracheam minùs resistentem ; alii , & hi certè plurimi , aëris ingressum ex ipsius pondere & elasticitate repetunt verosimiliùs. Neque hi ultimi in omnibus etiam consentiunt : dantur enim gravissimi viri quibus inspiratorii sunt muscoli intercostales externi & interni ; sunt & alii notæ non levioris quibus externos inspirationi , internos expirationi famulari creditur. Nec idem est apud

hosce omnes numeros musculorum qui adhiberi debent. Quid dicam de aëre thoracico cujus existentia his admittitur, istis negatur? quid de musculis expiratoriis quos nullos esse quidam sentiunt? quid de prima inspiratione? quid de causa inspirationem & expirationem reciprocante? quid de viribus dilatatricibus pulmoni propriis, à veteribus nonnullis admissis & ab Authore nupero revocatis &c. &c.

7. Patet ex modo dictis in varias atque multiplices sententias Physiologos scindi, dum respirationis mechanismum explicare satagunt: patet plurima esse incerta, minus cognita circa numerum & agendi modum potentiarum quibus ea functio perficitur.

8. Collatis quæ in n. 5. & 7. protulimus, concludere pronum est majorem in explicando respirationis quam deglutitionis mechanismo subesse difficultatem: cujus binæ functionis leges nunc sunt expediendæ.

9. Modum quo peragitur deglutitio sufficienter exposuimus in n. 4°. Quo autem modo perficiatur respiratio declaraverimus, si iis quæ in n. 6°. diximus sequentia addamus. Elevari costas, sternum, musculorum intercostalium externorum & intercartilagineorum actione: deprimi diaphragma contractione propria: thorace his ampliato, aërem thoracicum, spatium majus nactum, rariorem factum minus resistere quam antea aëri externo qui glottidem, tracheam subire, & vesiculas pulmonales expandere debet: deprimi costas, sternum musculis intercostalibus internis, sternocostalibus, infracostalibus, cartilaginum restitutione: retrogredi diaphragma tum restitutione ipsius elastica, tum musculorum abdominalium actione: coarctata his thoracis cavitate, pressum aërem thoracicum superficiem pulmonum premere, ex quibus per tracheam glottidem &c. eliminabit aërem distendentem: concurrere etiam ductuum aëreorum constrictionem mediante musculorum mesocondriacorum, nec-non fibrarum cellulas pulmonales componentium, elastica, imò & juxtà quosdam muscolari energia: tandem reciprocum esse motum inspirationis & expirationis ob vim stimuli alterne determinantis inspiratoriarum & expiratoriarum potentiarum actionem. Patet jam respirationis mechanismus. Ergo

Mechanismus respirationis explicatu difficilior est mechanismo deglutitionis, & habentur leges juxta quas utraque exercetur functio.

QUÆSTIO SECUNDA.

Salium systema naturale ordinare.

I. **I**N scientia naturali primum & ultimum quæsitum est methodus naturalis (Linn. class. Plant.) In methodo naturali quacumque nulla valet regula *à priori*, neque una vel altera pars, proprietas, attributum, sed solum, simplex partium, proprietatum, attributorum omnium symmetria (Linn. ibid.) In scientiæ naturalis partibus excultissimis & omnium optime cognitis nondum detectum est systema naturale. Hinc patet pensi impositi præstandi difficultas, explendi impossibilitas.

2. Præcipuæ de Salibus methodi sunt Walleriana, Rouelliana & Linnæana. Wallerius in Mineralogia, Rouellius in Comm. Acad. Paris. salia tum naturalia, tum arte facta persecuti sunt; Linnæus in naturæ syst. naturalia tantum. Salia varia systematice ordinaturi, ea sequenti methodo distributa volumus, quæ nobis magis naturalis visa est. Salia sunt acidia, alkalina, neutra; neutra sunt Vitriolica, Nitrosa, Muriatica, Vegetabilia, Animalia, Arsenicalia. Hinc octuplici divisione nostra incedit methodus.

3. Salia sunt corpora sapida, aqua solubilia (vel soluta) cristallos polyedras formantia. (Linn. syst. nat.) Hic character, quamvis non omnibus salibus secundum omnes sui partes conveniat, nobis omnium optimus videtur, qui distributioni methodicæ præfigatur.

4. SECTIO 1^a. SALIA ACIDA.

Acidum Vitriolicum. (Huc acidum aluminis, sulphuris.)

Acidum nitrosum.

Acidum muriaticum. (Huc Sal succini volatile.)

Acidum vegetabile. (Nunc naturale est in planta, ut in citro &c. nunc post fermentationem obtinetur ut Tartarus, Acetum.)

Acidum Animale.

SECTIO 2^a. SALIA ALKALINA.

Alkali vegetabile vulgò sic dictum. (Huc nitrum fixatum, cineres clavellati, Tartarus alkalifatus, &c.,

Al. minerale vulgò nuncupatum.

Sal Tachenii.

Al. volatile.

Sal alkali Wallerii. Natrum Linn.

Tartarus

Tartarus emeticus solubilis.

Tartarus martialis solubilis.

Nitrum arsenico-alkalifatum *Macqueri*.

SECTIO 3^a. SALIA NEUTRA VITRIOLICA.

Vitriolum *Linn*.

Alumen *linn*.

Scelenites *Linn*.

Tartaratus Vitriolatus. (Hùc Sal polycrestum *Glaferi*, arcanum duplicatum.)

Sal mirabile *Glauberi*. (Idem esse ac Sal lixiviale Tamarisci invenit ac demonstravit *Montetius* Chymicus peritissimus.)

Sal Sulphureum *Sthalii*.

Sal Calcis.

Sal Ammoniacale secretum *Glauberi*.

Sal Sedativum *Homborgii*.

Borax.

SECTIO 4^a. SALIA NEUTRA NITROSA.

Sal nitrosum terreum.

Nitrum *Wallerii*. (Hùc Sal Prunellæ, Crystallus mineralis)

Sal ammoniacale nitrosum.

Salia nitrosa metallica f. vitriola nitrosa.

SECTIO 5^a. SALIA MURIATICA.

Muria *Linn*.

Sal febrifugum *Silvii*.

Sal ammoniacum.

Sal muriaticum terreum.

Salia muriatica metallica f. vitriola muriatica.

SECTIO 6^a. SALIA NEUTRA VEGETABILIA.

Salia tartareo-terrea.

Tartarus solubilis f. Sal vegetabile.

Tartarus regeneratus *Ill. Romiei*.

Sal polychrestum *Saigneri*.

Tartarus ammoniacalis.

Salia tartarea metallica f. vitriola tartarea.

Salia acetosa terrea.

Terra foliata tartari.

Tartarus regeneratus, vulgo sic dictus.

Salia acetosa metallica f. vitriola acetosa.

Saccharum.

Sal essentiale Plantarum.

SECTIO 7^a. SALIA NEUTRA ANIMALIA.


Sal Microcosmicum (V. Th. *Ill. Venelii*.)

SECTIO 8^a. SALIA NEUTRA ARSENICALIA. *MACQUERI*

Sal arsenicale neutrum nitrosum.

Sal arsenicale neutrum muriaticum.

5. Nos non latet multa hic desiderari, talia sunt ordinum characteres, generum constructio ac notæ, specierum sub quolibet genere enumeratio, differentiæ, aliaque plurima, adeo (ut verbis utar Celebr. huiusce licæi Professoris) vastus fuit differendi campus, quem pro modulo expatiati sumus.



QUÆSTIO TERTIA.

An Catalepsi Emetica?

1. **N**E sub eodem morbi nomine plura morborum genera recensamus, quod in Catalepsi fecerunt antiqui & Neoterici plurimi, Catalepseos genus ab Ill. Pathologiæ meth. Authore mutuabimur. Symptomata Pathognomonica sunt sensuum internorum & externorum, nec-non motûs voluntarii abolitio, mira artuum ad suscipiendos & retinendos motus inditos aptitudo & flexibilitas; ita ut toto paroxysmi tempore, si sibi-met-ipsi relinquatur æger, eundem situm servet quem primo invadentis morbi momento habebat, si vero ab adstantibus in alio situ ponatur, eum facile suscipiat, & nisi ab ipso dimoveatur constanter retineat. (Path. meth. Seran. Thes. Fernel. Path. Hist. 2. Ac. Par. A. 1738 & 42. Deydierus Consult.)

2. Cæterum respiratio est nunc illæsa, facilis, nunc adeo debilis, ut abolita videatur. Pulsus modo lenis, lentus, pleniusculus ut in somno naturali, modo naturali minor & tardior. Aëgris de quibus mentionem injiciunt Ac. Par. Comm. oculi erant fixi, immoti, palpebræ apertæ. Mortui vero ritu jacebat *Fernelii* æger, qui prompte vorabat quidquid in os inferebatur (Authorum modo citatorum Historiæ.)

3. Nunc simplex est Catalepsis (Act. Acad. Paris. A. 1738.) Nunc cum morbis aliis complicata: ut cum somnambulismo, cum mania & quartana (Ill. Sauv.) cum morbis convulsivis spasmodicis observante *Deydiero*. Rursus acutus nunc est morbus, nunc chronicus; recurrit ut plurimum per paroxysmos modo frequentiores, modo rariores, modo febris quartanæ typum servantes. (Historiæ modo allegatæ.)

4. Catalepsi confundunt veteres ac Neoterici quamplurimi cum catotocho, quem tamen ab ipsa separat corporis totius rigiditas. (Ill. Sauv.) Summam fovet morbus noster affinitatem cum extasi, quæ ex modo laudato Authore egregio ab ea determinatur per phænomena summam ad objectum aliquod attentionem indicantia, per miræ Cataleptorum flexibilitatis defectum, imo per corporis rigiditatem quandoque præsentem.

5. Quod Captalepseos causas attinet, unam tantum allegabimus quam memorant Historiæ præfatæ: scilicet curas, moerorem, verbo animi pathemata tristitia, anxia; ne fingamus, non referamus quid natura faciat aut ferat. Causam hujus-ce affectus proximam aliis lubenter relinquimus assignandam.

6. Gravis est affectus Catalepsis (Seran. Thes.) periculum non celerius nunc tardius involvens. Ad Epilepsiam, Dementiam non raro ducit, & sæpe affectu soporoso jugulat. (Ser. ibid.) in Phrenitidem abiisse legitur apud Acta Ac. Paris.

7. Catalepsim curaturus duo distingue tempora, paroxysmi nimirum & intermissionis. E paroxysmo si frequenter solis naturæ viribus æger emerferit, uti fieri solet, hujus finem expecta, & nihil molire nisi præ hujus duratione, vehementiâ, ægro timeas. In primo paroxysmo, quia minus adhuc in aperto est morbi indoles & gradus, ægro opitulaberis venæ sectione, si indicetur, & emeticis quibus nulla præstantiora remedia; datis in intermissione cortice peruviano, diluentibus, stomachicis, cephalicis. (Seran. Thes.).

E Catalepsi à phrenitide excepta, absque remediis convaluisse mulierem testantur Act. Acad. Paris.


Venæ sectionibus iteratis in brachio, pede, collo, cathartics pluries repetitis, jusculis aperientibus, opiata ex Kina-kina, cinnabari & pulvere de gutteta, balneis subfrigidis, martialibus per longum tempus usurpatis remisisse catalepsim somnambulatoriam ferunt eadem Comment.

In Catalepsi epileptica, antispasmodicis, cephalicis, aperientibus, attenuantibus, stomachicis, Kinæ-kinæ, præire mercurium vitæ, f. pulverem Algaroth sic dictum, vult Deydierus (Consult. & Observ.)

Catalepsis quartanariæ paroxysmum pluries depulit exhibitum emeticum. In catalepsi (alia filemus medicamina) proficua, convenientia, curatoria sunt remedia Emetica. (Ill. Sauv. Class. morb.).

His feliciū practitorum documentis & observatis innixi concludimus. Ergo

Catalepsi emetica.



QUÆSTIO QUARTA.

An Diabeti mercurialia ?

I. **E**SENTIALEM Diabetis caracterem in frequenti copiosæ urinæ emissionem reponit Ill. Pathologiæ meth. Author. Novissimæ verò de Diabete dissertationis Authori magis arridet sequens definitio. Diabete est copiosa & velox urinæ vitiosæ excretio, potulentorum assumptorum proportionem longe superans, cum siti intensa & totius corporis colliquatione conjuncta.

2. Hujus affectus ut plenior habeatur notitia, juvat hîc, quod fecit *Listerus*, omnium accuratissimam *Aræti descriptionem* subjungere. In primis morbi initiis os siccum, saliva albida, spumans, ut in sitientibus; præcordia gravia, calor aut frigus à ventre in vesicam tendens, sitis adhuc nulla, quæ tamen accedit in gradu primum mitiori, lotium paulo copiosius quam moris est effusum: crescente morbo calefactio parva sed mordax viscerum, abdomen rugosum, venæ extantes, totus corporis habitus gracilis, aucta insigniter urinæ profluvium & sitis: perfecto morbo velox colliquatio & festina mors, sitis intoleranda, potus copiosus, multitudini tamen lotii non respondens; æger nec à mictu nec à potu inhiberi potest, qui si punctum temporis à potu temperet, mox faucibus est siccis, corpore arido & viscera ipsi sua conflagrare opinatur, omnia fastidians & siti ardentissima divexatus; si vero à menjendo vel parum temporis abstinerit, ipsi intumescunt lumbi, testes, ilia; succedente autem mictione urina ipsi cum calore funditur & subsident partes tumidæ. Durat æger aliquod tempus, licet non admodum diu cum dolore mingens, atque atrociter colliquatus.

3. Urinam à diabeticis redditam, potum qualis assumptus est referre vult Galenus: idem testantur *Fabri*. *Hildani*, *Trincavellii* & *Amati Lusitani* observationes. Silet ea de re accuratissimus *Aræteus*. Falsum esse quod potus mingatur immutatus asserit *Listerus*, qui diabeticis semper assignat urinam aqueam, sub-pallidam, nec omnino colorationem, quamvis vinum rubrum potârint; albidam, opacam vidit *Dodonæus*; lenem, subdulcem esse vult *Listerus*; *Meadius* sapore, colore, & odore melleam.

4. Causas varias quibus natales debet hicce morbus numero plurimas non recensebimus.

Ex *Aræteo* morbus aliquis acutus qui in renes impetum fecerit, & in crisi aliquod malignum virus latenter reliquerit, venenum aliquod perniciosum ex iis quæ vesicam & renes infestant, morsus diapsidis diabeti

beti ansam præbere possunt. His causis addit *Listerus* mala aliqua medicamenta, ut Antimonium diaphoreticum, mel crudum, & venenosum, ballamum *Capivi* dictum, opium, vina arsenico vel sulphuris fumo nimium medicata, medicamenta therebintinata, spiritus vini medicatos, & id genus plurima, tandem aquas minerales nonnullas.

Pro causa Diabetis proxima secretionem urinæ in renibus adauctam ponit novissimæ de Diabete Diss. Author, cujus secretionis augmenti causam esse vult tubulos renum uriniferos motu sistaltico frequentius concitados. Concitantur autem juxta ipsum à materia quadam vellicante vel in ipsis renum tubulis, vel in vesica urinaria hærente.

Diabetes valde periculosus merito habetur affectus, quo ægros sæpius mori quam servari videas. Contumax est, difficilis sanationis, diutius plerumque perdurans, & medenti multum negotii facessens. Pro constitutione corporis laborantis modo citius, modo serius finem sortitur. Tandem sæpe lethalis censendus est pro causarum natura, intensitate, & propter gravissima quæ portendit mala. Cæterum multum omnino differt prognosis prout subjecta respectu ætatis, corporis, habitus, roboris & naturæ differunt, & prout causæ atrociores vel mitiores sunt tam ratione durationis quam eventus (Auth. modo citatus.)

In varias easque diversas circa Diabetis curationem sententiâs abierunt antiqui & neoterici. Authore Aretæo remedia quæ valent in hydrope valent & in Diabete, nec in bino hocce morbo dispar est victus vitæque ratio... Ex Dissertatione ab Illustr. hujusce Unversitatis Cancellario Archiattrorum olim Comite conscripta, emetica, cathartica ex adstringentium classe, martialia, mercurialia, cinnabarina, aliaque id genus aperientia, nec non sale volatili oleo turgida, nunc probe competunt; nunc vero lenientia, edulcorantia, incrassantia, mucilaginosas, absorbentia & adstringentia: quam quidem posteriorem medendi methodum multo majori observationum numero confirmatam prædicat... Lac, fructus varios, ut poma, limones, fragas, &c. aquæ incoctas, quæ potui datur, vinum meracius adstringens, & hieram injungit *Listerus*... Serum lactis aluminatum plurimum valere ad fluxum diabeticum sistendum *Meadius* asseverat... Ex novissimæ de Diabete Dissertationis Authore, primo divertendi sunt humores, & ad cætera cola derivandi, excitatis leniter alvi profluvio, diaphoresi, sudore, salivatione; secundo tollendus ille stimulus qui ductus urinarios juxta ipsum irritat; vel si expelli non possit materia vellicans, partis sensus obtundendus narcoticis, stupefacientibus; sin aliter, ad inertiam reducenda est materies hujusmodi mucilaginosis, gummosis, farinosis, gelatinosis alimentis & medicamentis; tertio materia hacce ablata, vel in magno vitæ discrimine, etiam si ablata non sit, cohibendus est fluxus diabeticus acidis, stipticis; quarto denique gravissimis symptomatibus occurrendum. Adver-

sus fitim commendata vult idem Author aquosa tepida, sub-acidis maritata, serum lactis, decocta hordei, avenæ, panis dilutiora; potu parva copia simul sed frequenter ingesto. Cæterum mercurialibus tum externe tum interne adhibitis infensus est quamvis luis venereæ suspicio sit in diabete... Non modo martialia sed & mercurialia, imo frictiones quoque ex Unguento Neapolitano, modo ea qua decet prudentia adhibeantur, administrari posse constanter asseverat Clariss. Chiracius... Diabetem hydrargirosi sanatum fuisse ex Authorum scriptis colligi dicit Lazermius, qui, si luis venereæ suspicio sit quæ diabetem producat, hydrargirosim adhiberi posse, prudenter tamen ne mercurius diabetem ejusque symptomata augeat, in suis morborum curationibus consignavit. In tanta Authorum dissidentia, trium hujusce licæi professorum praxi felicissima percelebrium autoritate rapti, huic quem fovet lues venerea concludimus convenire

Diabeti Mercurialia.



QUÆSTIO QUINTA.

An Scrophulis Mercurius?

1. **S**PECIES morbi Cachectici sunt] Scrophulæ seu Strumæ, quas cognoscis præcipue ex tumore glanduloso, duro, renitente, mobili, cuti concolori, præsertim in colli glandulis, axillarum & inguinum conspicuo; præterea fluxionibus oculorum, labii superioris tumiditate, naso mucum distillante cum rubore & dolore, genis latis, depressis temporibus, ventre tumido & duro, pedibus & manibus emacitatis, ossibus flexis, tinea, herpetibus crustaceis, vultu pallido, virium languore, pulsu debili cum notabili functionum animalium læsione: quibus prægressis, in supurationem abire solent colli glandulæ, oculos corripit lippitudo, ectropium, corrugantur labia, mole augentur ossium extrema, articulos ulcera adoriuntur, nec-non alias corporis partes, in societatem veniunt tussis, febris; tandem macies, Marasmus & Diarrhoea, mortis prænuntia, ægrum conficiunt. Descripta huc-usque symptomata raro unà-incedunt. Hæc inter familiariora habeto tumores in colli glandulis; sunt qui signum hoc-ce pathognomonicum haberi velint.

Communicatur hic-ce morbus. Conjux conjugii, nutrix alumno

illum transmittunt. Hæreditaria successione à patre in natos transit. Sunt Authores qui illum vix ac ne vix quidem communicari credant.

2. Externæ sunt Strumæ vel internæ, simplices vel complicatæ, benignæ vel malignæ, ulcerosæ, schirrosæ vel etiam cancrøsæ, adhærentes vel non, hæreditariæ vel acquisitæ, recentes vel inveteratæ, essentielles vel symptomaticæ, sanguinæ vel phlegmaticæ.

Harum differentiarum signa enumeraturi, præcipuas seligemus, omittis quæ levioris momenti videntur, quæque de facili innotescunt. Simples tumorem exhibent duriusculum, mobilem, superficialium, circumscriptum, æqualem, absque rubore & dolore, glandulam tactu referentem, temporis lapsu schirrescentem. Si inflammatio accedat, quod aliquando fit, exurgit phlegmone spuria laudabili suppuratione terminanda. Non facit autem ulcus superveniens quominus hæc species benigna sit, pote quæ remediis facile cedat. Malignæ tument, dolent, rubent & sponte aperiuntur, duræ sunt, inæquales, profundæ, fixæ, adhærentes, numero multæ, brevi crescentes, in glandulis conglomeratis, partibus membranosis, tendinosis observatæ. Tumores aperti, si saniem emittant purulentam & foetidam, partis texturam erodentem, ulcerosam speciem constituunt. Si margines ulceris callosi fiant & retorti, cum acutissimo doloris sensu, & humoris virulenti stillicidio, cancrøsæ audiunt, colore nigricanti & venis lividis insignes. Complicationem cum lue venerea, scorbuto dignosces ex immixtis horum morborum signis. Abdominis tensionem, fluxum chylosum, maciem, atrophiam, marasimum, tibi exhibebunt glandulæ mezenterii obstructæ. Hæreditariæ num sint, nec-ne declarabit ipse æger.

3. Causas agnoscunt Strumæ. 1°. Lympham acidam viscidiorum in suis vasis moras necentem, ibique concreascentem. 2°. Aquarum haustum malæ indolis. 3°. Vitam in locis paludosis, uliginosis. 4°. Usum ciborum incrassantium, ut sunt fructus horrei immaturi. 5°. Chylum viscidum. 6°. Nutrices dum pueros lactant gravidas vel scrophulas. 7°. Febrem lentam, variolas, scabiem inveteratam, nec-non percussam Erysipelas adstringentium ope.

4. Molestissimus est hic morbus, & curatu difficilis. Variat periculum pro diversis speciebus, causa, partibus affectis, & ægroti temperamento.

Simplices five benignæ haud difficile sanantur.

Malignæ magis habent periculi, magis & etiam si ulceratæ.

De Cancrosis vix ac ne vix quidem bene sperare licet.

Quæ hæreditariæ sunt nullam curationem admittunt nisi per longam tractationem: de iis quas nutrix puero communicat idem ferendum iudicium.

Apud pueros, minus habent periculi. Puellis, ubi primum menstrua patiuntur, evanescent Scrophulæ. Item in pueris, ubi semen emittere nōrunt. Quod *Faurum* impulit ut accusaret veluti Strumarum causam feminis refluxum in sanguinem.

Pueris familiaris, viros raro, si unquam, adoritur hicce morbus. 5. Curationem tradituri, si omnia remedia quæ hucusque tum ab antiquis, tum & à neotericis proposita fuere enumerare esset animus, in immensum excresceret thema hocce. Satis sit Bordevianam & Russellianam medendi methodum allegasse.

Bordevius tria in hocce morbo distinguit stadia. Primum illud est in quo virus scrophulosum, adhuc latens, & suis signis nondum sese manifestans difficile admodum & non nisi ab exercitatis in praxi viris dignoscitur.

Alterum est cum apparere incipiunt symptomata strumosa, glandulæ augeri, ulcerari, & alia plus minus vigere nostri morbi phœnomena.

Tertium denique cum morbus ad eum statum pervenit ut de illius existentia ne minimum quidem supersit dubium. Scrophulas, tum augeri vel minui rarum. Stadium hocce frequentius observant practici; in quo remedia tantum palliativa adhibet Author prælaudatus. Sunt hæc diæta conveniens, lacticia, cauteria, usus aquarum Baregiensium & *Bonarum*.

In 2^o. stadio qui nihil aliud ipsi est præter febris depuratoriae speciem, indicationes sunt morbum in suo cursu paulisper sinere, turbas nimias non excitare, & naturam in Febre salutari quam producit adjuvare. Omnem ipsi paginam implent Balnea aquarum Baregiensium, haustus earumdem, nec-non aquarum *Bonarum*, frictiones mercuriales, quibus in societatem veniunt amara, ut Kina-kina & absorbentia; præcedentibus vomitoriis. Quibus omnibus licet symptomata videantur augeri, nihil adeo metuendum est, postea enim sedantur, & curatio perfecta obtinetur. Aliquando curationem radicalem respuunt scrophulæ in secundo stadio, tunc palliativâ tractandæ. Hanc dabunt aquæ minerales supra dictæ, cum cautelis semper usurpandæ, tonica, absorbentia, purgantia, & præprimis cauteria.

Primum stadium illud est quod cognitu & curatu difficilior se præbet. In pueris qui à parentibus scrophulosis ortum duxere difficile minus percipitur. Signa hujusce status diagnostica habebis, si palliditati, labiorum tumiditati, emaciationi & quandoque ingenii igniculis, addas voracitatem, vultum luridum, vocem raucam, verba pueri parentum suorum amassii molliuscula, scapulas elatas, & nescio quid sensu potiusquam dictu assequendum, quod hujusce morbi suspicionem injicit. In hoc stadio totus est Bordevius qui succum nutritium in melius mutet. Suadet remedia exhibere congrua parentibus, quod etiam in nutrice

nutrice fieri vult. Lacti muliebri, lac vaccinum, caprinum, & his panatellas ex pane bene fermentato, addito vini cocti pauxillo paratas præfert, nec non chocholatam & castanearum pultem. Cæterum in stadii hujusce curationem palliativam advocat cauteria, venerem si ætas ferat, aquas Bonas aut Baregieneses, Balnea frigida.

Scrophulas sanat Russellius electuario ex Æth. Miner. Oculis Cancr. Antimonio crudo, Æthiope vegetabili, pulv. Viper. Syr. viol. parato, ad quantitatem nucis moschatae assumpto, & usu aquæ marinæ ad unum, duos, tres-ve cyathos quolibet mane usurpatæ. Curationem claudit fuci marini embrocationibus & balneis in mari. Has methodos in eo convenire videmus, quod utraque mercurium sive in frictionibus sive intus assumptum exhibeat. Itaque horumce virorum autoritate, & innumeris quas ipsi aliique referunt observationibus suffulti concludimus. Ergo.

Scrophulis Mercurialia.



QUÆSTIO SEXTA.

Vires Opii, ejusque agendi modum exponere.

1. **V**IRES Opii sunt somnum conciliare; partium sensibilitatem minorem facere; illarum motum imminuere; excretiones omnes (sudore excepto quem promovet) sistere vel impedire; si paulo majori dosi assumatur stuporem inducere, si maximâ, homini pro veneno esse lethifero.

2. Signa Opii paulo majori copia vorati sunt ex *Ætio*, somnus gravis, frigiditas, pruritus intensus ægrum nonnunquam excitans, corpus Opium exhalans, maxillæ inferioris laxatio, labiorum intumescencia, singultus, nasi distorsio, pallor, ungues lividi, divulsa præcordia, respiratio parva & frigida, denique convulsio.

3. Partes per quas in corpus agit Opium sunt sulphur volatile narcoticum valde resolubile & evaporabile, in quod statim fatiscit, ubi primum in corpus admissum est. Evincitur tales partes in Opio adesse ex odore tetro quem spirat, ex analysi chimica, ex eo quod virtutem suam acida ipsi partim suffurentur, ex iis denique experimentis quibus constat Opium si ope ignis vel alio modo quocumque sulphur suum amiserit, omne quod ipsi inerat somnolenti & nocivi deperdere.

4. Modum quo partes illæ effectus suos sortiuntur in corpore quod attinet, credimus partes nervosas ac membranaceas, ubi primum à sulphure illo narcotico afflantur, illico remitti ac relaxari; reliquas fibras nerveas per consensum eadem labe successive affici, ad usque cerebrum. Quæ opinio præ reliquis nobis arridet hisce potissimum de causis; Quia actio Opii prima fit in partibus quas primas tangit; Quia effectus exerit promptiores quam ut sanguinem intrasse vel ad cerebrum pervenisse potuerit; Quia sensus gravativus & compressivus circa ventriculum percipitur ab Opio largiori dosi assumpto; Quia nauseam, nonnumquam vomitum producit; Quia vertigo tenebricola & stupor ab Opio inducta observantur, si in caute adhibeatur (qui effectus à stomacho pendent diffittente nemine;) Tandem quia in alia quacunque opinione explicari nequit quare Opii pillula, vix penitus nondum in ventriculo soluta, torporem inducat.

5. Dantur & alii agendi modi à variis Authoribus Opio attributi. Sunt qui credant Opium agere immediate in massam sanguineam; nec de ea quâ in illam agit ratione inter se consentiunt, resolutionem non nulli, alii coagulationem, hi præcipitationem, illi rarefactionem accusantes. Hi omnes vapulant ab Etmull. qui in sua Dissertatione de virtute Opii diaphoretica, evincit actionem Opii non immediate dari in sanguinem.

Alii existimant Opii effluvia sulphurea nervorum canales obstruere, & etiam fluidum nerveum cogere.

Tertia opinio est eorum qui illud medicamentum agere contendunt, non pariendo obstructions, verum ipsas tollendo penitus, summa celeritate omnia permeando donec ad substantiam cerebri corticalem devenerit.

6. Enarratis Opii viribus & agendi modo, nonnulla de casibus in quibus convenit addimus.

Indicatur Opium quotiescumque gravissimi dolores ægrum vexant In insomniis & vigiliis nimis. In sistendis motibus valde excedentibus, quibus nulla alia via auxiliari potest. Tandem in nimis evacuationibus & humorum defluxionibus.

Prima indicatio satis superque patet ex iis quæ de modo operandi diximus n. 4. circa quam notabimus dolores hoc modo fere nunquam curari; sopiuntur tantum intacta mali causa. Radicitus curat ubi dolores à nimia fibrarum sensibilitate & irritabilitate suam mutuuntur originem. Itaque in illis casibus, nec-non in aliis quibusdam, ubi symptomata violentiora mitiganda sunt ut tuto mali labes possit adoriri, & in iis morbis quos atrociores dolores ex benignis in lethales terent, Opium adhibebis suffragantibus felicissimorum practicorum autoritate & ratione.


Quoad secundum cavendum est ut ait Celsus nequem volumus obdormire postea excitare non possimus. Cave præterea ne Opium præscribas in vigiliis quæ oriuntur à nimio humorum motu cerebrum versus.


3°. Circa motus valde excedentes quos Opio vel tollere vel imminuere suscipis, perpende num motus illi sint salutare & à natura imperati, num vero sint passiva symptomata. Evidens est posteriora hæc tolli licere, econtra nefas esse naturam in suis operationibus turbare.

Ultimo tandem Opium evacuationes omnes (sudoribus exceptis) quia sistit, illud in alvi fluxu, Dysenteria injungere poteris, sed maximis cum cautelis. De usu Opii in hisce morbis non una est apud praticos sententia. Sunt qui in his casibus narcotica non vereantur vocare necrotica. Sunt & alii qui Deos omnes obtestantur sibi numquam fere male cessisse illorum usum. Hanc litem quia non nisi observatione dirimi potest, ad feliciores praticos lubenter demandamus.

Cum diximus Opium evacuationes sistere, verum diximus; verum & etiam dicemus si addiderimus illud aliquando suppressas revocare. Hoc fit cum ob spasmus fibrarum excretionem locum non habent. Quod fluxiones spectat, nocebit Opium in defluxionibus à partium resolutione pendentibus, sive in iis quas facit humor lentus, crassus & viscidus. Sileo illud virium augmentum quod Kinæ-kinæ impertit. Sileo vim ipsi inesse qua motus non naturales quibus tamen assuevit natura inhibere novit. In genere vires ægrorum sedulo perpendendæ, num sint ferendo. Hinc liquet infantibus & senibus minus tuto exhiberi Opium, quamvis parca dosi ipsis quoque propinet *Wedelius*. Duplici modo exhibetur vel sub forma liquida vel sub solida &c. Quæ Opii vires obtundunt habebis inacidis omnibus, Castoreo &c. Si Opii effectus contrariis effectibus curare velis, aderunt salia volatilia urinosa, stimulantia, emetica, cathartica, clisteres acriores, vesicantia. Itaque,

Vires Opii, ejusque agendi modum exposuimus.





QUÆSTIO SEPTIMA.

Quanto majus sit spontaneæ quam inoculatæ Variolæ periculum ?

1. **V**ARIOLÆ sunt phymata inflammatoria ad externum corporis habitum tertio quartove die ab invasione febris phlogodæ ut plurimum erumpentia, octavo die aut circiter in suppuratum abeuntia, tandem relictis sæpe in cute, faciei præsertim, foveolis quarto supra decimum die sub formâ squammularum deciduarum evanescentia. (Celeberr. Lamurii Theses pro Regia Cathedra vacante.)

2 Omissis Variolarum speciebus, causis, & curatione, quæ hujus non sunt argumenti, ad prognosim properamus. Sub finem sæculi XVI. ex Europa in Americam transiit virus Variolosum. Grassatum in recens detectas regiones contagium centum millia Indorum jugulavit in sola Provincia *Quito*. (Condaminius in Act. Acad. Parisi A^o. 1754.) Lethalem fuisse huncce morbum omnibus omnino qui fluvii Amazonarum ripas incolunt se vidisse testatur modo laudatus Author. In Regionibus Orientalibus tertiam partem eorum quos aggreditur, huic succumbere asseverat *Maitlandus*. Necrologos varios quos habet Jurinus, illum præprimis cui suum nomen præfixit *Needlettonius*, si consulas, in Anglia quintam partem Incolarum quos corripuit morbus periisse videbis. Tandem si adoptentur Jurini computa, quæ causam Variolæ spontaneæ favorabiliorem faciunt, septimam partem hominum in epidemiis vulgaribus e medio tolli concludere pronum erit. Silemus strages alias quas edit hicce morbus, cum lethum non infert.

3. Nunc periculum quod incurritur dum Variolæ per inoculationem communicantur expendamus. Sed ante brevis Inoculationis tradenda historia. Adeo antiquitus usurpata fuit Variolarum Inoculatio in Circassia, Georgia, & in iis regionibus quas alluit Mare Caspium, ut primam illius originem qui detegere velit, is oleum & operam ludat. Olim in Græcia & apud Turcas viguerat. Sub finem sæculi proxime elapsi Constantinopoli recepta. Antiquissima & etiam in Angliæ Provinciâ *Gallarum*. Apud Sinenses jam invaluerat ineunte sæculo XVII. si fides *Entrecollezio*. A 1717 Europæ innotuit scriptis ab Emm. *Timoneo* & Jacobo *Pilarinio* ad amicos Medicos Epistolis. Insignis Matrona Anglica quæ conjugem suum legatum apud Turcas comitata erat, in Patriam

Patriam redux, Variolas inoculandi methodum attulit, facto in filiam periculo. Vires acquirebat eundo Inoculatio magnatum & ipsius Reginae exemplis suffulta. Verum ignorantiae & superstitionis armis expugnata brevi occubuit. An. 1727 Gallias nostras in Epistola à Medico quodam ad *Dodartium* Archiatrorum Comitem scripta appulit. Mox à Theologis & viris in Arte medica Celeberrimis *Chiracio*, *Helvetio*, *Astrucio*, maximo cum plausu excepta, brevi idem fatum ac in Anglia experta est. Nunc vero undique accensa & novum nata splendorem scientiarum & literarum face, illustrior exsurgit. Verbo ita in Anglia, Dania, Suecia, Hollandia, Helvetia, Republica Genevensi, Basileæ, Italia, Germania, invaluit Variolas inoculandi methodus, ut neminem hodie habeat infensum nisi qui imperitus & male superstitiosus sit.


4. Non una est inoculationis methodus. Sinenses Gossipii ope pustulae Variolosae exsiccatae pulvere onusti & in nares immissi hunc morbum communicant. Quae methodus minus tuta videtur juxta experimenta apud Anglos in capite damnatis instituta. In Græcia & apud Turcas, materiem purulentam è phymatibus Variolosus recens extractam & adhuc calentem puncturis in varia corporis sede factis immittunt. In Anglia fuerunt qui Variolas inter se communicabant, brachio violenter perfricto supra pustulas exsiccationi proximas. Quas omnes methodos excepit tutior & salubrior, quam fere omnes jam recensitæ gentes adoptarunt. Sita hæc est (præparato primum subiecto per diætam & remedia generalia) in incisione in parte media & exteriori brachii utriusque infra deltoïdis tendinem facta, pollicem longa, qua cutis leviter scinditur, intra quam filum inferi debet ejusdem longitudinis ac incisio, materie purulenta è puero sano & Variolas benignas passio, imprægnatum. Elapsis horis quadraginta imposita tolluntur fascia & splenium. Vulnus deligatur semel in die, ægro interim ab aere externo inhibito. Die 6^o. vel 7^o. apparet febris rarissime symptomatis gravibus stipata. Die 7^o. vel 8^o. fit eruptio, qua vidente, minus rubent inflicta Brachiis vulnera, è quibus virûs Variolosus maxima pars cum uberiori materie purulentæ proventu effluit. 10^o. post eruptionem die consolidari videntur vulnera; decimo quinto in cicatricem abeunt; 20^o. evanescunt. Sæpissime evenit paucissimis inoculatos laborare pustulis, viru omni per vulnuscula erumpente. Antequam hac de re finem faciamus, monendum est vix ac ne vix quidem foveolas in cute relinquere morbum huncce dum sic communicatur. (Condam. variæ Dissert.)

4. Ex observatis Doctoris Angli Kirkpatrik., è mille inoculatis 8 periere. Alia vice intra duo millia duo tantum (id.) In Nosocomio Londinensi, quingenti sexaginta & sex pueri evasere uno excepto &

altero. Salisburii & Blandfortii è centum pueris , unam sibi sumpsit victimam Inoculatio. Ex *Langrishio* qui pueros mille inoculavit videmus unum periisse, reliquos evasisse. Idem Author è quingentis alia vice unum amisit. Chirurgus Anglorum Regis *Ramby* nomine plusquam octingentos vidit inoculatos ne uno quidem demortuo. Inter hæc computa medio sumpto, sequitur, adhibita inoculatione, rationem mortuorum ad eos qui evaserunt se habere ut 1 ad 376.

6. Collatis quæ in n. 2. & 5. diximus, patet periculum Variolæ spontaneæ esse ad periculum Variolæ inoculatæ ut 53 ad 1. Ergo patet

Quanto majus sit spontaneæ quam inoculatæ Variolæ periculum.



QUÆSTIO OCTAVA.

Num motus convulsivi sympathici, ut sternutatio, ex sola vi à stimulantibus impressa, sine potentia sentientis & moventis concursu possint intelligi?

1. **M**OTUS convulsivus est violenta partis muscularis contractio à voluntatis arbitrio non pendens.... Motus sympathicus is dicitur qui in partibus plus minus dissitis propter alteram affectam exoritur De stimulantibus solo nomine abunde cognitis, satis sit annotasse ea duplicis esse generis, mechanica alia, alia vero Physica.

2. Si Tabaci Hispanici aut Pulveris Helleborini granum naribus indatur (ut exemplum ab Illustrissimo Professore Regio allatum retineamus) percipitur in ipsis irritatio, sequitur sternutatio per intervalla ingeminata. Quo in motu celerrime coarctatur pectus omne, concutiuntur valide truncus & caput, cursu fragoroso & rapido per nares erumpit aër, transitus loca everrens. Itaque impressione per stimulantibus pulveres in membranam pituitariam facta, excitatur in pectore motus maxime notabilis. Quæritur jam utrum ex sola vi à stimulantibus impressa, sine potentia sentientis & moventis concursu ingens ille pectoris motus possit intelligi? cui quæsito ut fiat satis dicimus 1°. Pulveres sternutatorios esse tantum motuum præstitorum occasionem, neque eos pares esse qui talem effectum mechanice producant.

2°. Ad potentiam sentientem ac moventem confugiendum esse ut motus illi intelligantur.

3. Probatur primi asserti veritas ex eo quod quantitas motus, dum pectus & corpus omne sternutatione concutitur, portentose superet quantitatem motus in Tabaci vel Hellebori grano naribus immisso præsens. Cum autem causa effectum numquam producat se ipsa majorem, liquet motum concussorium pectoris pro causa agnoscere non posse pulverum horumce stimulum. Neque dicatur vigere inter nervos olfactorios & respiratorios sympathiam, atque ita fieri motus illis impressi cum istis communicationem. Nam, data communicatione hacce, cujus indoles altis jacet tenebris sepulta, non minus tamen mechanices regulis adversatur stimulum nervis olfactoriis inditum, ita respiratoriis communicari, ut exinde sequatur sternutatio; cum priores nervi majorem nequeant posterioribus motum impertire quam quem ipsi acceperunt. Si ab applicato nervis olfactoriis stimulo necessitate mechanica proficiscatur motus pectoris concussorius qualem exhibet sternutatio, cur sub narium irritatione determinatus hicce pectoris motus semper excitatur, nusquam vero tussis, singultus, oscitatio & similia? certe non minus ultimis his moribus quam sternutamento inducendis interviunt nervi respiratorii. Cur etiam, cum reciproca sit omnis communicatio, stimulus glottidi applicatus tussim tantum, sternutationem nunquam parit? tandem cum pulvis stimulans naribus inditus, tum inspirationis tum expirationis tempore in membranam pituitariam agat, cur constanti naturæ lege præcedit inspiratoriorum, sequitur expiratoriorum musculorum actio, quæ determinato modo semper fit, non millenis aliis æque possibilibus?

4 Sequitur ex dictis (3) recurrendum esse ad potentiam sentientem & moventem quæ scilicet sub stimuli naribus applicati actione, hujus excutiendi necessitatem sentiat, & organa ad hunc effectum obtinendum apta moveat. Hac posita probe intelligitur cur præse in naribus stimulo, sternutatio constanter præ alia quacumque inspirationis & expirationis specie contingat, quæ nimirum una valet stimulum è naribus depellere. Militant eadem rationum momenta pro alio quocumque motu convulsivo sympathico ejusdem ac sternutatio generis. Ergo]

Motus convulsivi sympathici, ut sternutatio, ex sola vi à stimulantibus impressa sine potentia sentientis & moventis concursu non possunt intelligi.

QUÆSTIO NONA.

An adstringentium, imprimis validiorum usus, in Hæmoptoicorum curatione tutus sit?

1. **H**ÆMOPTISIS, Hæmoptoe, Sputum cruentum morbus est de hæmorrhagicorum familia, cujus præcipuum symptoma est cruoris expectoratio. Expectorare dicitur is qui quidpiam cum tussi trans laryngem è pulmonibus ejicit. (Savv. Thes.).

2. Hæmoptisis dividitur in periodicam, erraticam; activam, passivam; habituales, accidentales &c. Alia fit à causa externa, ab interna alia.


3. Ad hæmoptisim necessum est 1°. Ut sanguis in pulmonum cavo effusus sit. 2°. Ut ille identidem vi sufficienti foras tussiendo eliminetur. Effunditur autem per rixim, diœresim, diabrôsim & anastomosim: diapedesim etiam sunt qui admittant, sunt qui negant. Porro silemus principia numero plurima quæ vitiis jam dictis anam præbent. Eliminator vero sanguis effusus à natura molestum quem patitur stimulum avertere satagente tussis ope. Ergo causa hæmoptiseos proxima est naturæ conatus resistentis major ad sanguinem in pulmonibus effusum mediante tussi foras ejiciendum.

4. Cave sanguinem è ventriculi & œsophagi cavo è faucibus & naribus polticis, nec non ex ore antico ejectum pro hæmoptisi vendites. Distinctionem dabunt hæmatemeses, rascationis, & expuitionis signa, nec non allegatus hæmoptiseos caracter.

5. Prognosim quod attinet, non idem est in omnibus hæmoptiseos speciebus discrimen. Hæmorrhagiarum omnium periculosissima est hæmoptoe (Nenter.) Quæ periodice, & stas veluti temporibus recurrit, nullamque tussim aut dispnoeam suspectam post se relinquit, minus habet periculi. Hæmoptoici à parentibus Phtysicis nati omnium facillime in Phtysim incidunt (Nenter) Hæmoptoe ab anastomosi minus periculosa est, quam quæ à rixi. Omnium periculosissima quæ à diabrôsi inducitur (Sennert.).

6. Cum variæ sint hæmoptiseos causæ, diversas quoque adimplendas venire curationes necessum est. Huc tamen redeunt præcipuæ. 1°. Ut Sanguinis copia tollatur, orgasmus compescatur. 2°. Ut ejusdem affluxus copiosior, impetuosior à pectore ad exteriores corporis partes avocetur. 3°. Ut spasmodicæ constrictiones quæ sanguinem ad pulmones validius congerunt laxentur. Hæc omnia præstabunt venæ sectio repetita,

repetita, refrigerantia, nitrofa, extremitatum inferiorum & superiorum in aquam tepidam immiffiones, cathartica mitiora, antispasmodica, anodyna & fimilia. Quod adstringentia fpectat, in hæmoptoes curatione, fi de mitioribus agatur, ea tuta effe ex practicorum obfervatis pronuntiamus; validioribus, pote quæ minus fecuram operam præfent, ex eorundem obfervatis interdicientes nifi in summo vitæ difcrimine. Patet jam num in hæmoptoïcorum curatione tutus fit adstringentium, imprimis validiorum ufus.



QUÆSTIO DECIMA.

An evacuationes vulgo critica dictæ, quibus datis sæpe solvuntur Morbi tum acuti tum chronici, causæ sint an tantum effectus & signa restitutæ sanitatis?

I. **Q**UÆRITUR (ut propositum problema exemplo illustremus) an in Morbo quocumque plethorico Catameniorum fluxus criticus Morbum solvens sit causæ an tantum effectus & signum sanitatis restitutæ? respondemus fluxum Catameniorum criticum esse causam & signum, nequaquam vero effectum restitutæ sanitatis: quod sequentibus argumentis stabilimus.

2. Morbus à plethora inductus est vel cum, vel sine infarctu locali. In 1°. casu natura ab exuperanti sanguine stimulata, salubri vasorum actione ita ad uterum sanguinem cogit appellere, ut sequatur Catameniorum fluxus qui Morbum solvat. Porro evidens est fluxus hujus-cemodi beneficii tolli exuperantem sanguinis copiam, atque ita Morbi causam materiale. Ergo restitutæ sanitatis causa est in dato casu fluxus Catameniorum criticus. Est & etiam sanitatis restitutæ signum; etenim quidquid est alterius causæ signum illius est: (Savv. Path.) Ergo cum evacuatio Catamenialis critica sit restitutæ sanitatis causa, ipsius & etiam signum erit. Neque dixeris ideo fieri fluxum Catamenialem quia sanitas restituta est; atque ita hunc illius esse causam. Nam 1°. cum nullam aliam in dato Morbo plethorico factam fuisse evacuationem, neque alia quacumque via sublatam fuisse plethoram supponamus, præfente Morbi causa materiali, depulsum Morbum atque ita sanitatem restitutam fuisse dici nequit. 2°. Si restituta fuit sanitas, jam nulla est evacuationis hujusce

criticæ causa sufficiens; imo perperam ac morbosè instituitur à natura. 3°. Vigent Morbi symptomata donec absoluta fuerit evacuatio critica, & ea tantum omnino peracta, conticescunt. Ergo sanitas non restituitur nisi evacuationis uterinæ ope, sicque sanitas restituta evacuationis effectus non causa est.

3. Si cum infarctu locali sit morbus phletoricus; vel ex contingente evacuatione catameniali critica solvuntur infarctus & phethora, vel cessat primum infarctus succedente evacuatione critica, quæ Plethoram tollat. In 1°. casu ex jam dictis elucescit evacuationem criticam esse causam & signum sanitatis restitutæ, nequaquam vero ipsius effectum. In altero casu infarctum seu morbi congestorii depulsionem ab evacuatione critica quæ ipsam sequitur, atque eam pro causa occasionali agnoscit proficisci non posse satis superque patet. Nihilominus tamen restitutæ sanitatis effectus non est evacuatio critica per uterum facta, verum & etiamnum ipsius causa atque signum. Etenim ob Plethoram simplicem vel Cacochemiæ mixtam, in vasorum systemate auctam, vel ipsi denuo injectam per infarctus resolutionem, sollicitatur natura ad Plethoræ hujusce ablationem, ut morbum quem mutavit, non superavit, penitus depellat, promotò criticè fluxu menstruo: ergo evacuatio hæc qua morbus ex integro judicatur sanitatis restitutæ causa est: esse & etiam ipsius signum, non esse vero ejusdem effectum ex argumentis modo allatis de facili comprobatur.

4°. Eadem aut similia valent rationum momenta pro morbo quocumque Plethorico, Cacochemico, detur infarctus localis necne; neque majori negotio evincitur evacuationem criticam qua solvitur morbus (sive per hemorrhagiam, vomitum, sudorem, urinas, alvum, ptialismum, expectorationem, fit hujus solutio) esse sanitatis restitutæ causam & signum, minime vero ejusdem effectum. Aliæ argumenta prætermittimus quibus thematis hujusce veritas astrui & etiam posset. Ergo

Evacuationes vulgo criticæ dictæ, quibus datis sæpe solvuntur morbi tum acuti tum chronici causæ sunt & signa, non vero effectus restitutæ sanitatis.



QUÆSTIO UNDECIMA.


Commentarium tradere in hacce Hyppocratis verba (de rat. vict. in Morb. acut.) At numerum Morborum plurimorum plane declarare studentes, non recte scripserunt. Neque enim quis facile numeret, si quis ex eo Morbum æstimet, quod ab altero re quâdam differat; neque eundem esse Morbum reputet, nisi eodem nomine nuncupetur.

1. **C**OMMENTARIUS vel Commentarium est loci cujusdam Authoris paulo obscurioris dilucidatio. (Dictionar. Encyclop.) Itaque Commentarium tradere nihil aliud est quam explanare locum ita, ut circa Authoris mentem ne minimum quidem supersit dubium. Ergo solutum erit problema, si sensum Hyppocratis (saltem quoad verborum vim) extra omnem controversiam ponamus.

2. Librum scripturus Hyppocrates *de ratione victus in Morbis acutis*, primo Cnidas sententias [quid sint Cnidia sententiæ videre est apud Gal. in Hypp. Vallesium, Heurnium, aliosque Hyppocratis Commentatores, Glossatores &c.] omissionis vel negligentia arguit circa hoc argumentum: dein eas incusat quod Morborum Historias habeant, quæ vel à minime peritis in Arte conscribi potuissent; videlicet quæ nimium in rebus levioris momenti immoratae essent, gravioribus aliis levi pede transmissis; ultimo tandem eas vituperat quod male distinxerint Morbos à Morbis, eosque male definierint (Vallesius in Hypp.) Hæc in re bis peccabant juxta Hyppocratem Cnidia sententiæ, & dum faciebant tot species Morborum diversas, quot sunt varietates vel levissimæ, & dum Morbos ex varia nomenclatura numerabant; nihil morati eundem Morbum varios apud Medicos varia nomina sortitum esse. Primi erroris exemplum satis commodum supeditant Herniæ. Detur Hernia Intestinalis incarcerata Sphacelosa. Nonne ridiculus sit qui pro diversa specie nobis obtrudat eandem Herniam cum levi differentia Intestini intra saccum à gangraena rupti? Sic agebant Cnidii Medici ea de causa ab Hyppocrate merito vapulantes. Secundus error is est cum aliquis unum eundemque Morbum in duos tres-ve scindit, quia nempe apud Authores varios duo vel tria habet diversa nomina: ut si v. g. Vitiliginem albam discretam Illustriss. Sauvagesii, Alphum Græcorum, Morphœam albam Arabum pro tri-

bus diversis Morbis habeat. Nunc vero legatur denuo locus Hippocratis allegatus; speramus fore, ut vel minime attendenti luce meridiana clariora sint ipsius verba.

3. Si vero aliquis vellet sensum divi senis detorquere, & eo loco uti ad impugnandam nunquam satis laudandam methodum, qua morbi in classes, ordines, genera, species & varietates conjiciuntur, huic primo responderemus nativum & genuinum loci istius sensum eundem esse prorsus ac diximus: secundo, si obstinato animo semper in Hippocrate videre vellet quæ nusquam ibi fuere, gravissimas illi rationes lumbenter exhiberemus quæ militant pro methodo cui adversatur. Sed quia hæc non sunt pensati impositi, præ nimia temporis angustia ad ultimam Quæstionem nos denique proripimus.



QUÆSTIO DUODECIMA

Quos Morbos ex quibus Spinalis medullæ ejusque Meningum affectionibus procedere conjectura assequi liceat? & an ad Artem promovendam utile futurum sit si imposterum frequentius in sectis cadaveribus hæc pars denudetur?

1. **M**ORBOS ab Spinalis medullæ ejusque Meningum affectionibus procedentes conjectura assequendos (Morbi enim quos à jam dictis affectionibus procedere evidens est à nobis non expetuntur.) nullos alios novimus præter dolorem Pictonum Colicum s. Rachialgiam Astrucii: Partium quibus Nervi spinales prospiciunt Paralyfim, nec-non earundem Convulsiones. De quibus pauca disputabimus, assignatis vitiis præogumenis quibus Morbi jam dicti natales debent: thesim claudet responsio ad quæsitum de frequentiori medullæ Spinalis denudatione dum lustrantur denatorum Cadavera.

2. Rachialgia cognoscitur dolore Abdominis per pressionem non ingravescente, ad pectus & artus expatiente, vario, fugaci, temporario, partes varias derepente invadente & deserente, quas miserrime excruciat & unde abit sanas dimittente & nulla in ipsis suis vestigia relinquente, Paralyfi artuum sæpius inferiorum terminari solito.

3. Missis hujusce Morbi prognosi & curatione quæ non sunt hujus loci, ad causas rachialgiæ properamus ut vitium præogumenum à quo illa procedit assignemus. Alii Bilem acrem ac mordacem haud exiguam, in

in cavo Intestinorum contentam ea laceffere, pungere autumant. Alii Bilem eandem intra Intestinorum tunicas aut duplicem Peritonæi vel Mesenterii membranam diffundi contendunt; cujus tenuiores partes non paucas celeri & subitanea quasi metastasi in Spinali medullam rapi volunt, & facta Nervorum obstructione vel compressione Paralyfim extremorum inducere.

Accusat *Dubefius* particulas è Mineralibus nonnullis exhalantes, inter spirandum, deglutendum, imo per cutis spiracula intus receptas, in Stomacho, Intestinis, Mesenterio, Pulmonum vesiculis & vasorum anfractibus nidulantes, quæ harum partium Nervos irritent, vellicent. Tandem *Astrucius* Rachialgiæ sedem ponit in medulla Spinali, in cujus Cortice vel Membranis adesse vult infarctum sanguineum, lymphaticum-ve, quo præfente, Nervorum Spinalium principia primum laceffuntur, punguntur, stimulantur, unde dolores Rachialgici, quóque in dies aucto, tandem Spinalis medulla arcte comprimitur, unde Paralyfis, amara dolorum medela.

4. Inter hæc diffidia circa doloris Pictonum Colici sedem cum quadam veri specie conjectari potest Spinalis medullæ Morbum esse Rachialgiam: probat Historia ægri ab *Astrucio* relata qui à gravi in Lumbos lapsu, cujus accidentia ad speciem depulsa non perfectè tamen sanata fuerunt, post plures annos ex improvise Pictonum Colico dolore afficitur, qui dolor post adhibita incassum remedia plurima tandem in Paralyfim repentinam artuum inferiorum cum Vesicæ & Sphincteris ani paresi abiit, Vertebris Lumborum eodem tempore incomplete luxatis & extrorsum protuberantibus. Probant & etiam Colicæ Pictonum symptomata quæ ex aliorum Authorum sententiis non satis *Astrucio* intelliguntur: nec contrarium innuit medendi methodus quam *Dubefius* multiplici successu comprobata clamatur.

5. Partium quibus Nervi Spinales prospiciunt, Convulsionem, Spasnum, partium earundem Paralyfim à vitiis medullam Spinali ejusque Membranas afficientibus procedere conjectari & etiam potest: quæ Morborum genera nec alia ratione, nec ab aliis causis proëgu-
menis inducuntur, dum à Spinali medulla proveniunt, quam dum affectis Encephalo ejusque Membranis natales debent.

6. Nullus est dubio locus quin ad Artem promovendam utile futurum sit si in posterum medulla Spinalis ejusque Membranae, dum examini Anatomico subjiciuntur defunctorum Cadavera, frequentius denudentur: Quod toties præstandum quoties ea fuerunt Morbi symptomata quæ vel levissimam affectæ Spinalis medullæ suspicionem injiciunt. Vetat tempus plura profari de abstrusiori hocce argumento; Quod à nobis ita fuisse tractatum fatemur, ut Manus à quo profectum est peritissima, etiamnum desideretur. Assignavimus itaque

Quos Morbos ex quibus Spinalis medullæ ejusque Meningum affectionibus procedere conjectura assequi liceat? Et, sub quibus circumstantiis, ad Artem promovendam utile futurum sit si imposterum in sectis Cadaveribus hæc pars denu-detur.

ERRATA.

Lectorem benevolum rogat Author ut Thesium lectioni Errorum sequentium correctionem præmittere non gravetur; alia minoris momenti inter legendum emendaturus.

In Epist. nuncup. lin. 12. *angustia* lege *angustia*.

Pag. 4. Sect. 4. lin. 4. Parenthesi include Bourdelin. Macquer.

Pag. 4. lin. ult. Adde ad Alkali minerale referendum.

Pag. 5. lin. 7. *scelenites* lege *felenites*.

—— lin. 8. *Tartaratus* lege *Tartarus*.

—— lin. 12. Adde ad Tartarum Vitriolatum refer.

Pag. 10. lin. 20. *emacitatis*. lege *emaciatis*.

Pag. 11. lin. 30. *horæos* lege *horæos*.

—— 14. lin. 41. *terent* lege *verterent*.

—— 14. lin. 42. *authoriate* lege *autoritate*.

Pag. 15. lin. 27. *inacidis* lege *in acidis*.

Pag. 16. lin. 16. *amazonarum* lege *amazonum*.

Pag. 20. lin. 5. *hæmoptisis* lege *ubique hæmoptysis*.

—— 20. lin. 12. *dioeresim* lege *diæresim*.

Pag. 21. lin. 23. *beneficii* lege *beneficio*.

Pag. 21. lin. 28. *hunc* lege *hanc*.

Pag. 23. lin. *Hyppocratis* lege *ubique Hippocratis*.

Pag. 23. lin. 29. *paulo* deleatur.

Pag. 24. lin. 27. post *dolore* adde *Epigastrii, dein totius*.

FINIS.